



Broj: 04-40-1-107/25  
Sarajevo, 18.04.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 17.04.2025. do 08:30 sati 18.04.2025. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana 17.04.2025. godine u 17:28 sati, od Policijske stanice Ilijaš, da je u ulici Mlini br. 58 pronađena jedna ručna bomba.

Informacija je prenesena Timu za UES Federalne uprave civilne zaštite, koji će pronađeno ubojno sredstvo preuzeti u narednom periodu.

Kantonalni operativni centar civilne zaštite je dana, 17.04.2025. godine u 13:21 sati primio je informaciju od građanina, da je u ul. Soukbunar bb, na lokaciji rezervoara, Općina Centar, jaki vjetar obrilo veliko stablo bora na ulicu i da je tom prilikom oštetilo jedno putničko vozilo, kao i kablove od električne struje i druge kablove i da to predstavlja opasnost po građane. O navedenoj informaciji odmah obaviještena Općinska služba civilne zaštite Centar Sarajevo i Elektro distribucija Sarajevo. Na licu mjesta odmah je izašla ekipa Općinske službe civilne zaštite Centar Sarajevo koja je angažovala svoju službu zaštite i spašavanja na uklanjanju stabla sa ulice, kao i ekipa Elektro distribucije Sarajevo na popravci oštećenih kablova od električne struje.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 10 intervencija: gašenje niskog rastinja, gašenje otpada na otvorenom prostoru, sedam intervencija obezbjeđenja (šest pretakanja goriva na Aerodromu i jedna deložacija) i jedna tehnička intervencija (otvaranje zaglavljenih vrata stana).

**Općinski operativni centar civilne zaštite Stari Grad:** Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju ranog upozoravanja ugroženog stanovništva i njihove eventualne evakuacije. Uposlenici Službe civilne zaštite Općine Stari Grad Sarajevo i pripadnici službi zaštite i spašavanja Općine Stari Grad Sarajevo, izlaskom na navedene lokacije dana 17.04.2025. godine, utvrdili su slijedeće stanje:

1) Lokalitet Curine njive – Opština Istočni Stari Grad i Općina Stari Grad Sarajevo (Bostarići)

Na ovom lokalitetu uočene su ozbiljne geološke promjene – formirane pukotine uslijed pomjeranja tla koje se konstantno šire i produbljuju. Prisutnost podzemnih voda dodatno destabilizira tlo, stvarajući plavne površine i izazivajući eroziju tla. Dio terena ispod igrališta se osipa prema prvim stambenim objektima u ulici Ablakovina. Na terenu se provodi 24-satni nadzor kako bi se obezbijedilo pravovremeno upozoravanje i evakuacija stanovništva.

2) Lokalitet Knjeginjac – Opština Istočni Stari Grad

Nisu zabilježena nova odlaganja materijala, ali je primijećeno slijeganje postojećeg deponijskog materijala i pojava erozije tla. Opština Istočni Stari, nakon čišćenja susjednih parcela od granja i šiblja, izvršila je prokopavanje prilaznog puta do lokaliteta “Curine njive – igralište”. Cilj je omogućiti dalje radove na izgradnji drenažnih kanala kako bi se osigurao pravilni odvod površinskih voda.

3) Lokalitet Bistrički potok – Općina Stari Grad Sarajevo ( Boguševac ) i Opština Istočni Stari Grad

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove promjene, niti uklanjanje postojećih prepreka. Terenski nadzor se kontinuirano provodi kako bi se pravovremeno otkrile eventualne opasnosti i spriječila dalja destabilizacija područja.

4) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine i broj: 08-40-1128-2.1/24 od 20.11.2024.godine

Na osnovu navedene Naredbe Štaba civilne zaštite Kantona Sarajevo, kao i važećih planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i poduzimanje mjera za eventualni smještaj stanovništva u sigurnije objekte koji će biti obezbijeđeni putem Općine Stari Grad Sarajevo.

**Elektro distribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 12 °C, vlažnost zraka 59 %, barometarski pritisak 940,0 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

**Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH,** gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a